


古經題跋

下

0931	貴重書	年
28		月
2		日
佛教大學藏書		
第 146715 号		



古經題跋卷下

○武州三緣山藏

佛眼山竺徹定輯錄

大藏經全部

宋本

妙法蓮華經卷第七

大宋國兩浙西路安吉州長興縣白烏卿奉三寶  
弟子因道政施財贖到法華經板一部計七卷捨  
入思溪圓覺禪院補填大藏經字號所集殊利伏  
用上報四恩下資三有法界衆生同成佛果更冀  
普為施檀信福田增益滋長道芽無諸魔障者

嘉熙三年二月日弟子因道政意旨

大般涅槃經卷第十八

湖州烏墩鎮清信弟子沈宗吉開此經資薦亡女  
十七娘子總滋妙益徑趣淨邦題記

同經卷第四十

清信弟子傅尚捨板一百五十片圓就開此經總  
滋福祉迴向四恩三有法界衆生謹記

圓覺經卷第二

本寺大藏經板伏蒙安撫大資相公趙給錢贖此  
經兩序及諸經板字損失者重新刊補務在流通

佛教利益群生

淳祐庚戌良月圓日住持釋清穆謹誌

○按此本宋安吉州思溪法寶資福禪寺藏板也我  
建治元年乙亥江州普山寺傳曉上人所舶賚也  
每經背押普山寺印

大藏經全部

元本

大般若經卷第五百七十

杭州路東山佛地壽聖禪寺開山住持賜紫佛光  
大師僧懷隱恭被宸恩嗣傳宗教鼎建伽藍悉蒙  
佛蔭深恩報稱特發誠心抽施衣資命工刊造大

藏尊經壹拾卷所集良因仰祝皇帝聖壽万年惟冀佛恩法輪常轉國泰民安共樂昇平者

至元七年月日 賜紫佛光大師僧懷隱謹題

大教王經第七

杭州路南山大普寧寺大藏局主局僧明堅伏承嘉興路嘉興縣思賢卿三十三都市涇西張居奉佛女弟子張氏妙善施財刊開尊經一卷功德報薦先考張七三承事先妣太君蕭氏四十七娘子亡公張二承事亡婆王氏八娘子亡男屠八三將仕亡媳婦張氏四十五娘子亡孫男屠施有卽亡

孫女壽一娘子同登淨土受勝快樂

至元二十六年八月日住山釋如賢題

大乘寶要義論卷第十

杭州路南山大普寧寺大藏經局僧明堅據本局刊經小道楊崇寶意者伏念崇寶宿何片善獲產人倫生處中華叨逢聖教又念父母生我劬勞欲報深恩昊天罔極由是幸逢刊藏誠莫大之因緣謹發孝心躬刊尊經一卷所鳩勝利專用報薦先祖楊千五承事先祖妣沈氏九娘子先考楊千六承事先妣唐氏七六娘子同生淨土者

至元二十六年十月日住山釋如賢題

淨諸惡趣經上

大藏局比丘明堅承本寺小道徐明亮思念幸生中國獲產人倫佛法難聞道場難值謹捐有限之財種無窮之福捨人本局開刊尊經一卷入于寶藏永遠不巧追薦先妣沈氏十九娘超生淨土次冀保扶父親徐通壽延長永無灾障合門家眷咸迓平安者

至元二十六年十月日杭州路南山大普寧寺住持嗣祖比丘如賢謹題

○按稽古略曰至元中帝命高僧重整大藏分小乘

再標芳號徧布天下此藏蓋其一也

大藏經全部

高麗本

大乘淨諸惡趣經

乙巳歲高麗國大藏都監奉勅雕造

新華嚴經論卷第十四

丙午歲分司大藏都監開板

慧琳音義卷第一百

高麗印成大藏經跋

臣聞我佛如來初成正覺迺曰奇哉衆生具有如

古經題跋  
來智慧德相但以妄想執着而不證得豈憫其人  
人具足於清淨無漏之性而無明所覆輪轉六趣  
歟此牟尼出世之本懷而無恠乎直說喻說而其  
文至於千萬軸之多者也雖然法不自弘由人而  
弘則其法之行不行又在於時君世主之信不信  
何尔至於履至尊之位躬上聖之資研窮性命理  
極乎道德之懿而又有以洞明三藏妙契真乘推  
我佛慈濟之道思與億兆蒼生捨邪歸正同植德  
本躋之于仁壽之域則是乃明君義辟出於尋常  
万万者之所爲千百年罕遇之盛際也天順紀元

丁丑之冬上傳旨于桂楊君臣增領中樞院事臣  
尹師路議政府左贊成臣申叔舟判中樞院事臣  
李仁孫臣權檻吏曹判書臣韓明澮承政院都旨  
臣曹錫文等若曰余以否德承天地祖宗之靈位  
于臣民之上幸與卿等而共際會亦非小種善根  
惟佛教之流于震且其來已久其說之載于文又  
莫若藏經之專幸其刊板具在於海印寺近歲士  
民之好善者印成全部然間被國家賜于日本存  
者無幾予欲印就若于部分置于名山福地上爲  
先王先王后暨祖考之靈以資福吉於冥冥下爲

法界含靈以至昆虫草木之微幽明共利普及無  
際且凡事始厥爲難今因肇功成至五十部將遍  
鎮于我國僧藍之大處鄉等其措置當務之次第  
以聞臣增等奔走惟謹其經書本末巨細悉謀於  
惠覺尊者臣信眉判禪宗事臣守眉禪師臣學悅  
隨即啓于上下承政院移于各道分其地之廣狹  
以定出紙之多寡命副知通禮門事臣尹贊宗簿  
注臣鄭垠往慶尙道預爲區辨與判禪宗事臣守  
眉海印住持臣竹幹仍督其務且諭監司臣李克  
培監總之遂用明年春閏二月創役至其年四月

曰告訖於是命臣守溫跋其後臣謂諸佛出興唯  
爲一事王者握符膺籙以興于世則亦惟欲救民  
而已故佛爲三界之師以導其迷君爲萬民之主  
以濟其生是雖有世出世之異其發誓願廣度無  
量人之志則佛與王一也恭惟我上殿下曩在潛  
邸親遭大難掃除奸兇天與人歸大命以集其盛  
德大業實我東方未有之聖主也然卽位以來不  
自滿嘏切切求理民安猶恐不安時和而猶恐不  
和且謂自古聖帝明王之治天下國家也莫不崇  
三寶伏大乘以之福國利世延洪業於無疆以無

世經題跋  
忘世尊正法付燭之遺意於是特成大典弘揚真  
化蓋後之千有餘歲去之万有餘里而我聖上精  
神心術之妙慈悲廣大之量與佛同一機也或問  
於臣曰世之名好學善讀者不過數十卷而止今  
三藏之書充於棟宇而不可極矣孰能遍觀而盡  
究其說乎臣應之曰夫妙明圓覺之體徹古今而  
無所變通於凡聖而無所異是蓋無迷無悟無此  
無彼者也楞嚴經曰一人發真歸元十方世界悉  
皆消損是則當我聖上發意之初卽已轉大法輪  
而與佛刹微塵衆生同證於無上菩提之智矣又

豈必人人之目之而後爲功德哉是不可以常情  
而所能度也天順二年六月日嘉善大夫行忠佐  
衛上護軍臣金守溫拜手稽首謹跋

朝鮮書

朝鮮國王李 琢奉書

件趙學士書證道歌二部高峰禪要二部翻譯名  
義二部成道記二部并土宜小鐘

貴國與敝邦雖阻滄溟世講隣好自寡人卽位函  
遣信使益致殷勤禮宜報聘肆於年前冬拾月遣  
僉知中樞院事宋處儉大護軍李宗實齋大藏經

一部法華經二部金剛經二部金剛經拾沫家解  
二部圓覺經二部楞嚴經二部心經二部地藏經  
二部起信論二部永嘉集二部證道歌二部雲板  
二隻銅鈸伍部磬子伍隻石燈盞伍隻鞍子一面  
諸緣具黑細麻布二拾匹白細苧布二拾疋白油  
錦細二拾匹以下獸皮藥種類凡十二種畧之表忱偕貴使秀彌  
前去不幸海上遇颶風使船未知漂往何處副使  
船則沈沒唯貴使船得脫泊對馬島遣其船主與  
三卽報云書契與禮物俱失茲用心惻聊達事由  
儻貴境惟望矜恤護還或其遺屍漂冑涯岸亦令

收瘞且於琉球國地面遍行訪尋万一寓泊存活  
制還爲幸餘冀爲國珍寶

天順肆年三月二拾捌日

朝鮮國王李 瑑

○按善鄰國寶曰應永五年諭朝鮮求藏經十六年  
又求藏經二十九年又諭曰先是需釋氏藏經皆  
得如願今復有不盡之求聞貴國藏經板非一正  
要請一藏板安之此方便信心輩任意印施若能  
運平等之慈忘自他之別則豈非深福源增壽岳  
之一端耶又三十一年八月答書云所需者卽大

世經題跋  
藏之板也其餘珍貨積如山岳又何用哉洪熙元年朝鮮國王答書云所需大藏經板只是一本且予祖宗所傳不可從命由是考之朝鮮藏經舶來于我土者多在室町氏之時歟又閱嘉靖中禮曹姜顯答大內義隆書因喪亂經書散佚然則今彼土遺失已久惜哉

右三本慶長中東照公收置於我緣山謂之三大藏經實天下無比之寶藏也

觀無量壽經一卷

紺紙金字 後鳥羽帝宸翰有鳥丸光廣卿之跋

阿彌陀經一卷

白紙銀絲欄 後伏水帝宸翰以國字書書法秀麗經背 後深草帝御牘也

同經一卷

紺紙金字 後陽成帝宸翰

心經阿彌陀經合卷一軸

紺紙金字熊野本宮將軍家奉納之一也

文明十八年丙午四月廿日

淨土三部經一卷

爲先祖累代菩提 源家康年三十八歲

天正六年戊寅正月日  
觀無量壽經一卷

今茲庚寅之秋九月十四日丁先考清揚院三十  
三四之忌辰天降

綸命追贈征夷大將軍正一位太政大臣并遣  
詔使開

勅會法筵家宣不耐感悅之至兼又供万部僧徒親  
自繕寫一部觀無量壽經以終其冥福矣真尊靈  
到上品蓮臺無疑歟因拜稽首書卷末云

寶永七年庚寅九月十四日正二位內大臣家宣

阿彌陀經一卷

佛言人生在世父母爲親非父母不生非母不育  
嗚呼其恩高深於山海今茲乙酉之冬新營先考  
清揚院殿靈廟盛開法筵而供僧徒又手書此一  
卷以薦其冥福以報恩之万一伏惟此中言言  
句句放大光明照群生迷闇則其志豈空哉因薰  
盥合爪謹書紙尾云

寶永二年十月廿四日從二位權大納言源家宣

稱讚淨土經一卷

中將法如書

蓋書寫千部之一也

○止觀室藏

大藏經全部

糜本

嘉永壬子之夏以京師法然院本校訂之

○妙定院藏

大藏經全部

糜本

明和中定月僧正所附也

○西蓮社藏

大藏經全部

明本

延享中雅山上人所附也

○武州緣山古經堂藏

菩薩處胎經五卷

大統十六年歲次鶉火律在杳鍾八日丙寅佛弟

子陶伴虎卅人等資光偏懿體耀乘門敬崇玄範

淵敷靈教於陶蘭寺契遵冲業厥大魏國內一切

乘藏搜訪盡錄至二年功訖洪基創時福映三千

鏡闢惛沉遐圖万葉願法界四生無復六塵依尋

殄鄣俱融覺道

○大統十六年爲我 欽明帝十一年庚午距今凡

一千三百一十有二年也日本書紀曰 欽明帝

十三年冬十月百濟聖明王獻釋迦佛金銅像一

世經題跋  
軀幡蓋若干經論若干卷是爲我 朝佛法東漸  
之權輿矣由是考之此經或爲當時之物亦未可  
知也按星書云古之支干只用書日不以紀年紀  
用歲陽歲陰名故溫公通鑑紀年以攝提格闕逢  
之名蓋有存古之義今此跋亦其格也又按佩文  
齋書畫譜曰東魏大覺寺碑韓毅隸書蓋今楷字  
也庾肩吾曰自唐以前皆謂楷字爲隸此經書法  
頗帶隸足以觀六朝之餘風也陶許虎未詳其傳  
大樓炭經卷第三

咸亨四年章武郡公蘇慶節爲父邢國公敬造一

切經

○咸亨四年爲我 天武帝白鳳二年癸酉距今凡  
一千一百九十二年也細楷精絕壓倒柳褚按舊  
唐書曰蘇定方以功遷左騎衛大將軍封邢國公  
又封于慶節爲武邑縣公定方前後滅三國皆生  
擒其王賞賜珍寶不可勝計仍拜慶節爲尚菴奉  
御古云忠臣之家必有孝子慶節之謂也歟

妙色王因緣經一卷

大周長安三年歲次癸卯十月己未朔四日壬戌  
三藏沙門義淨奉制於長安西明寺新譯并綴文

正字

五句章句經一卷

比丘曇處供養

七佛名號所生功德經一卷 僧命繚書

十地經論卷第三 支旰敬造

○王弼州曰凡唐藏經卷尾皆有諸公名姓此諸本亦其類也東觀餘論云正觀永徽間褚河南書盛行故雖經生亦皆摸廣州書跋云柳誠縣以書鳴四方故昔時高麗百濟入貢多齎貨貝以購今此經頗有柳褚之筆意可以併考焉

阿惟越致經二卷

卷之首尾共押大官寺印印文古雅

○按大官寺原名百濟寺 天武帝白鳳十二年移高市郡改曰大官大寺和銅三年又移平城時道慈僧正獻唐西明寺圖天平中 聖武帝標準此圖以脩營之時又改名大安寺續日本記云白鳳二年三月始寫一切經是爲我 朝寫經之權輿焉今此亦其一歟

優婆夷淨行法門經卷上

○經背合縫押中臣寺印印文古篆寺在大和宇知郡一曰法光寺藤原氏功德院也俗曰藤原寺此

經書法峭拔爲鎌足公真蹟不可疑也余嘗觀鎌倉鶴岡神祠藏花嚴經一卷白紙金字筆法傳曰鎌足公真蹟今與此經對照之字體不類紀以待勘

金剛般若波羅蜜經一卷

○此經比他卷有古色書法最遒勁經背合縫押內藏印按古語拾遺云長谷朝倉朝更立大藏令蘇我麻智宿禰檢校三藏齊藏內藏大藏秦氏出納其物東西文氏勘錄其簿是以漢氏賜姓爲內藏令秦漢二氏爲內藏大藏主鑰藏部之緣也

頻婆沙羅王詣佛供養經一卷

維天平十二年歲次庚辰三月十五日正三位藤原夫人奉爲亡考贈左大臣府君及見在內親郡主發願敬寫一切經律論各一部莊嚴已訖設齋敬讚藉此勝緣伏惟尊府君道濟迷律神遊淨國見在郡主心神朗惠福祚無疆伏願 聖朝万壽國土清寧百辟盡忠兆人安樂及檀主藤原夫人常遇善緣必成勝果俱出塵勞同登彼岸

超日明三昧經卷上

維天平十五年歲次癸未五月十一日佛弟子藤

世經題跋  
原三女稽首和南十方諸佛諸大菩薩諸賢聖衆  
弟子孝誠多爽怙恃夙傾四節有逾踐之期千載  
無重承之望仰託慈悲庶展哀感奉爲二親魂路  
敬寫一切經一部願以茲寫經功德仰資二親尊  
靈歸依淨域史影於觀史之宮遊戲覺林昇魂於  
摩尼之殿次願七世父母六親眷屬契會眞如馳  
紫輿於極樂薰修慧日沐甘露於德池通該有頂  
普被無邊並出塵區俱登彼岸

○右光明皇后願文一一紀其由日本史曰寫藏經  
二篇誤也以余考之有金字一篇墨字三篇然則

僅四五年間寫藏經四部也何其神速也當時諸  
刹願文多出於皇后之手云亦女中之丈夫哉

大剛頂瑜伽經卷第一

天平勝寶三年十一月十一日兩日間於大智  
寺奉尊旨寫竟

勝鬘師子吼經一卷

茨田安磨七世父母現在父母六親眷屬一切無  
邊法界衆生誓願仕奉

顯無邊佛土功德經一卷

東大寺良辨大僧正眞蹟卷尾有千卷書寫之一

字筆力勁健

大通方廣經卷下

天平三年十一月十六日下寸主人通勢卿麻呂  
造奉

○此本藏外經也武周刊定偽經目錄有此經目蓋  
別本歟按日本靈異記修方廣懺者不少蓋懺悔  
者四事五念之一而截三毒之良藥也今閱此經  
以懺法為主然則莫有害於義

金剛頂瑜伽中略出念誦經四卷

神護景雲二年歲次戊申五月十三日願文如阿

難四事經

佛說時非時經一卷

天平十二年五月一日記願文如大愛道比丘尼  
經

大悲經卷第一

河內民首古刀自

光明菩薩

夕河民首多氣万呂

鳥取連俵鳴古

三野連大成

卷第二

欵識同前

善教經一卷

弘道廣顯三昧經一卷

○右二卷裸背共押法塔院印按法塔院在大和西大寺續日本紀曰神護景雲元年三月壬子高野天皇幸西大寺法塔院令文士賦曲水賜五位已上及文士祿

師子素馱娑王斷肉經一卷

○卷首尾押圓覺寺印按三代實錄曰元慶五年十二月四日戊寅清和院奉爲先太上天皇於圓覺寺設周忌御齋會供養一切經 太上天皇在祚之日所書寫也王公朱紫傾都會集此經卽其一

也

是法非法經一卷

卷首押談義屋印蓋春日神祠舊藏也

大意經一卷

承曆三年尋點之

沙門良喜

施燈功德經一卷

藥師寺範源

分別善惡所起經一卷 大乘方廣總持經一卷

雜寶藏經卷第一 信力入印經卷第三

奮迅王問經卷上

右五卷共有法隆寺一切經印

毗尼摩得勒伽二卷

天平寶字六年五月十六日寫奉

寫主僧光覺

頭僧戒藏

憂婆塞薩光

憂婆夷戒光

憂婆夷平善

橘戸君磨

橘戸若島古

橘戸人古

春部古田古

平群人成

橘戸鳥守

川原毗登真刀自古

川原毗登真主古

瑜伽師地論卷第八

天平七年乙亥八月十四日寫了

書寫師慈氏弟子三宅人成本名

今受名慈氏弟子慈靈 檀越慈氏弟子慈性

卷第九

歎識同前

卷第四十四

寶龜十一年庚申四月廿五日

願主大宅月足

秦子夜目刀自古

卷第五十

延曆六年丁卯三月卅日書寫 沙彌戒道

卷第五十二

天平七年乙亥八月十四日寫了

書寫師慈氏弟子慈照 本名建部木万呂

檀越慈氏弟子慈姓 本名三神智万呂

卷第五十五

天平七年八月日寫了

書寫師慈氏弟子慈泰 本名建部古町

卷第五十五 卷第五十七 卷第五十八

卷第六十 右四卷欵識同前

卷第六十三

天平七年八月日

書寫師慈氏弟子慈勸 本名荒城臣多都乎

卷第六十六

天平七年八月日

書寫師慈氏弟子慈通 本名難波部首益人

卷第六十八 卷第六十九

天平七年八月日 書寫師慈氏弟子慈勢

卷第九十二

天平七年八月日

書寫師慈氏弟子優婆塞慈法 本名大石圭寸 豐國

卷第九十二 卷第九十三

卷第九十四

卷第九十五

卷第九十六

右五卷欵識同前

卷第九十七

天平七年八月日

書寫師慈氏弟子優婆塞慈信本名赤染乎麻呂

卷第九十九

欵識同前

卷第一百

卷尾有譯場列位二十有一人名員支那諸本所未見也

天長十年癸丑七月十八日願主佛師妙廣

轉識論一卷

標背押元興寺印

顯宗論卷第一至卷第十

標背押五輪塔印

卷第三十四

卷第三十五

二卷共押法隆寺一切經印

十二因緣論一卷

標背押傳法塔院印

十地經論卷第一

標背合縫押唐昉印

○按唐院玄昉之信印也元亨釋書曰玄昉僧正靈龜二年奉勅入唐留唐凡二十年 聖武帝天平七年歸朝以舶來經論疏章五千餘卷及佛像等獻尚書省此本亦其一也

寶行王正論一卷

大乘起信論一卷

二卷共卷首押五輪塔印

菩薩地持論十卷

贈從一位右大臣兼行皇太子傳中衛大將藤原

朝臣誓願

延曆十六年六月十一日

○按日本史曰延曆十六年六月 藤原繼繩薨蓋

值其小祥忌所書也和州法隆寺有起塔因緣經

一卷款識相同

法華經玄贊四卷

彈正臺少疏從八位上勳十二等片縣連僧麻呂

以神龜五年歲次戊辰九月廿六日己未永逝眷

撫儵闕定省益緩妻奴擗踊地極天倫情深重報

乃為慈父祇圖寫樂師彌勒菩薩各一鋪七注法

花經七疏十音訓二淨飯王經一摩訶摩耶經一

佛頂經一并渥丹柱發起用盡酸割之誠焉

天平三年八月朔丁丑八日甲申寫竟

窃以法海顯邃不說船楫爰以度矣彼岸峻嶮不

攀杖梯豈敢登哉是以後胤臺史生倉橋部造麻

呂秋豪發願為恩姊寶咩并老母齊袍天平三年

乙未五月朔戊申廿二日庚午住於煥宅敬造奉  
行仰羨因茲小端功德剪從無始積罪明鏡流輝  
幽冥微妙哀愍攝受

卷第十

天永元年歲次庚寅九月五日

從法輪房得業御手傳領覺賢

八月十八日講師西濟寺別當春穩大德

嘉多院沙門仁詮 傳燈大師勝桓

菩薩念佛三昧經卷第三

延曆十七年四月十三日

本願主粟野寺檀越沙彌尼延命

後繼奉仕僧定來 伊福部連福人

僧勒羣 經師長谷部連益繼

大毘婆沙論卷第一百一十六

天平寶字六年歲次壬寅四月八日

願主僧光覺師 大庭由布足寫

最勝王經料簡略集一卷

天平寶字五年四月廿一日僧忠懷之本

華嚴八會剛目章一卷

天平神護元年四月廿二日東大寺興顯此書寫

者重內證不久當成眞佛子廻此功德施法界皆願當得寂靜樂

右卷背書唐玄奘法師表啓一十四篇與全唐文暨弘明集所載頗有異同

新華嚴經善友名錄一卷 卷首押東大寺印  
華嚴要義問答二卷

延曆十八年己卯正月八日書寫近事行福

華嚴雜孔目章卷第三

保延六年九月十六日書了花嚴宗僧景

十二門論義記一卷

文治三年八月廿九日以東南院本書了

八十華嚴經音義私記二卷

○卷尾有僧定昭之本五字定昭南都一乘院開祖也其傳備見高僧傳此音義與惠苑本有異同往往附和訓頗古言也書法岩拔與常絕異余嘗觀石山寺藏玉篇筆法相類

唯識論述記二卷

延曆五年十一月七日始講唯識論並基師

卷第五

康平四年六月二日申時點了興福寺住僧□□

右二卷共有法隆寺印

大阿彌陀經二卷

宋本

施入法華寺 時顯

時顯事歷具出金澤文庫考

首楞嚴義疏注經十二卷

師直熟思今生懃尤不可勝計矧是曠劫罪障何以消除因茲謹開此真詮之板以拔積業之根所冀上報四恩下資三有同出妄想昏域共入楞嚴覺場

曆應二祀季春中澣

武藏守高師直敬誌

○武州緣山猶龍窟藏

大般若經全部

和州相樂郡海住山寺舊藏也

卷第廿五

建長七年八月日

卷第三十二

正平七壬辰年二月日 本座一和尚賢尊

卷第四十

正平壬辰年二月日 大願主本座一和尚

卷第二百九十一

建長七年八月日修補正平七年壬辰二月上旬  
中山瀧寺伊豫法橋賢尊

卷第三百八十

正嘉二年戊午九月廿六日辰時寫了佛子隆尊  
奉安置山田大宮金峯山御寶前願主物部成俊  
般若第一教此經法緣者雖有重業障必定得解  
脫

摩訶般若波羅蜜經三十卷

大和國山邊郡下深河庄社頭御經

文安二乙丑歲三月十七日勸緣釋永圭謹誌

大方廣佛華嚴經六十卷

歎識同前

大方等大集經三十卷

歎識同前

佛本行集經六十卷

仁平元年六月廿日願以書寫功往生極樂界一  
見一聞者同證大菩提

觀佛三昧經十卷

保延六年閏五月廿二日依此經書寫功德力次  
生決定生極樂不經一宿花開敷見佛聞法悟無  
生普賢行願悉圓滿自他同證無上道成佛以後  
遍法界利益群生導極樂

發覺淨土經卷上

保延六年庚申五月十一日勸進沙門靜嚴  
卷下

保延六年五月於祇陁林寺書

郁迦羅越問菩薩行經一卷

金峰山寺一切經之內勸進沙門靜嚴

○案祖傳翼讚曰山門無官仁季直弟也大原問答  
會中設難蓋此人也

大愛道般泥洹經一卷

金峰山寺一切經之內爲過去大中臣氏滅罪生

善所書也

大中臣知盛

優婆夷墮舍迦經一卷

承安五年乙未二月十六日敬奉書寫佛子融信

摩訶衍寶嚴經一卷

天養元年六月卅日

彌勒菩薩所問本願經一卷

康治元年十月八日未時書寫大法師仁義

佛臨涅槃記法住經一卷

承安五年歲次乙未二月七日書了佛子祐惠

普門品經一卷

嘉承二年丁亥十二月二日勸進沙門良勝書  
普賢修行念誦儀軌一卷

青龍寺山林院一切經

八師經一卷

僧祐圓

採花違王上佛受決經一卷執筆觀信

一切智光明仙人慈心因緣不食肉經一卷

筆師觀信

得無垢女經一卷

爲過去悲母成佛得道書寫之平宗正

根本薩婆多部律攝十卷

正嘉二年歲次戊午仲呂晦日書寫了執筆□寶  
成唯識寶生論二卷

承安四年甲午六月十九日書寫了我依書寫善  
上生都率天親托彌勒前開悟甚深法僧寬春

法鏡經一卷

於延曆寺東塔院十方院護摩堂書寫畢

觀無量壽經一卷

校合倭漢數本勘定釋義意趣文字之有無次第  
之上下并點畫闕行等取捨是非若有難辨者就  
多本用之所以恐錯謬於卒爾其功歷年月顧愚

迷於寸心定以朋友談因爲弘通證本勸重刊版  
印矣願以此功德平等施一切同發菩提心往生  
安樂國

建保二年

太歲甲戌

二月初八日畢以部筆功大蒙師

誨敬寫卷字比丘明信

奉請根本

卽是圓行將來正本請出由緣記新寫與

於根本文不審由

左復無請本不能按合空積歲月無勘定期所以  
明信發願致請機教相感當今正時披殘部文擬  
按合本及類五會終準經旨遂勘定功列版印本  
於是同志兩三三談一會加功成願證談所定記

錄歷然順理應文補欠夷剩或來論章成其文義  
或引韻篇匡字音訓乃至字畫倭點假名次第讀

談楷定證印寬喜二年四月三日酉終總結首尾

五日

三月廿七日故首而三月小四日二月二日不作此功故五日也

倭漢之勘定

先達古積其功魯魚之錯謬未學今有何疑仍捧  
彼證本重開此板印者也抑此印本者切取兩書

生讚刪傳

之字畫綴三部

大經觀經阿彌陀經

之文典

但於大經者滌禿筆

寫其慇懃之志趣不遑具記矣仁治二年

辛丑九月

四日所終功也

釋子仙才貞永之初壬辰之歲

依遺約置此版刊殊期一周擬終功績乃至平等

施一切矣二月三日立筆十月五日寫竟釋企興  
去弘安年中行圓上人承勅願之旨被開一切  
經之印版而正安第二之曆林鐘下旬之天不終  
大功遂歸空寂今年依迎第三迴之忌辰知真爲  
謝彼恩德三部之妙典五部之要義抽懇棘開印  
板是偏所備彼追貢也雖弘一部於穢界之雲期  
再會於淨刹之月而已願以此功德平等施一切  
同發菩提心往生安樂國

正安四年

壬寅

六月二十一日沙門知真

阿彌陀經一卷

嘉禎二年丙申七月十六日始之同歲八月十七  
日畢願主安那定親

阿彌陀經一卷

相當樂生上人一百箇日之忌辰翻彼遺札摺寫  
此經以此因緣入一佛土耳

元亨二年八月晦日

向阿

○按樂生上人南都一乘院之貫主也弘安八年創  
建念佛院爲退隱之地自雕造肖像請向阿上人  
點眼焉略傳見祖傳翼讚卷第五念佛院條下  
歸命本願抄曰北白河邊有同法友蓋指此人也

往生要集六卷

元永四年四月八日刻雕畢願主大法師實眼勵微力於自心拋財寶於佛界迄功于一百枚但此摸者先年之比有聖人勸進十方刻雕之於此所不慮之外逢失火燒失畢仍以自力刻之偏是爲四恩七世無緣法界成佛得道也

安樂集二卷

斯集一部就現行本開彫刻印唯爲通淨教沾蒼生也但虎唐之謬魚魯難詳正本流傳後昆那定庶使乃至一聞之類同結九品之緣而已

寬元三年乙巳仲秋日 願主比丘往成

彼往成所雕刻之板涼燠推移字點盡消爰悟阿數嘆摺寫之云絕強抽弘通之懇志之間續前願主之蹤開斯印板之文願酬上下一部勸進之功將成貴賤諸人引導之誠而已

弘安三年庚辰四月日 佛子悟阿

群疑論七卷

建長二年庚戌季夏日 願主比丘往成

觀經疏四卷

行儀分五卷

般舟讚卷尾日日中結讚初句依御室經藏唐本

加之沙門知真

佛陀寺安置之

選擇集二卷

延應第一之曆沾洗第六之天按根源正本直展轉錯謬卽寫印字用令流布矣

○按筑前貝原氏嘗以建曆板選擇集爲 皇國刻本之權輿焉以余考之延曆寺有法花經稱傳教板者次又有往生要集共刊本也先建曆旣行于世則貝原氏之說恐誤

和語燈錄七卷

和字語燈錄全部了惠上人所撰集刊行也予以

建武五年仲春與去冬自所校正漢字語燈錄草本同藏武州金澤稱名寺文庫者也

淨土略頌一卷

勸進專心追善志刻雕二藏頌文字欲弘真宗聖教故企斯板在淨教寺

文明十九年丁未月 勸化比丘行譽筆

淨土略名目圖一卷

夫名目圖者去永正着雍執徐雖鏤梓遭世亂離灰燼焉爰先師肇譽上人觸三十三回之忌辰而爲報恩攸重刊已矣遺第比丘洛陽東山知恩第

廿七世主翁燈譽八十一載書于時天文二十一年壬子南呂望白

三部經音義二卷

天正十八歲次庚寅暮春上澣

和州之住侶鎮西汲流野僧珠光草錄

當麻曼陀羅疏四十八卷

元龜二辛未年四月十五日黃蓮社玄譽

念佛安心大要抄一卷

應永三十癸卯年正月廿五日

印本右筆天台隆堯 刻彫檀主法印良俊

順次往生講式一卷

文治二年六月日

信玄書

三外往生傳一卷

正嘉二年七月十七日已刻法花山寺乘忍寫

○武州東叡山藏

大藏經全部

元本覆刻

奉再興佛說一切經藏

今上皇帝 玉體安穩東照權現倍增威光

征夷大將軍左大臣源家光公長運長久

四海泰平國家豐饒佛法紹隆利益無窮

日本武州江戸東叡山山門三院執行探題前昆  
沙門堂門跡大僧正天海願主

寬永十四丁丑曆十二月十七日

林氏幸宿花溪居士刊行

○按諸經論往往有跋蓋寬永丁丑至慶安戊子凡  
閱十有二年而竣功可謂盛矣

普門品一卷

右此經者傳教大師御筆以令開板之

願主御留守總政所坐禪院權大僧都昌源

明應五年丙辰六月日

法華經三大部

天台教觀典適畢摸寫功使後賢鑽仰令來者弘  
通三聖垂迹仰神德陪尊崇百王鎮護嶺人法彌  
紹隆過現恩所類縑素結緣衆悉離煩惱城俱遊  
真如宮

願主權大僧都承詮

弘安第五之曆首夏上旬候鎮守三世無碍之密  
義雖處四曼不離之界會感六十卷之印板染七  
十八之秃筆畢

三部都法闍梨前僧正承澄

廣弘明集卷第十一

出藏經中

嘉議大夫耽羅軍民方戶府達魯萃赤高麗國匡  
靖大夫都僉議評理上護軍朴景亮自揆非才幸  
塵有位藉庇佛天之巨海涵恩聖澤之陽春愧居  
天地之間莫效涓埃之報謹捐淨財印造聖典全  
藏奉安于神孝寺永充供養流通教法所集鴻因  
端爲祝延皇帝聖壽万万歲皇太后齋年瀋王國  
王壽齡延永福祿增崇仍願考恆居祿位在生則  
安世緣於順境終身則超善會之樂邦願與舉世  
吉人同證菩提彼岸無人無我悉潛心獅座之真

詮有相有情共拭目龍華妙會者

皇慶三年三月日謹誌

○武州金澤稱名寺藏

大般若經全部

宋本也每卷押金澤稱名寺印又有寫本大般若  
經共押此印

○按鎌倉志曰北條越後守平顯時創建文庫於稱  
名寺境中儲藏和漢書籍儒書押墨印佛書押朱  
印顯時父子事歷備見東鑑上杉安房守憲實再  
興文庫云舊藏零本往往流傳于世世謂之金澤

本

瓦經

在稱名寺境中土人往往掘得之于土中云

○武州淺草正行寺藏

安樂集卷上

寬喜三年三月八日書寫了同十五日加點畢親  
鸞上人真蹟云

○武州礫川傳通院藏

大藏經全部

明本

緣山大僧正豐譽麗海大和尚寄附年月未詳

大智度論卷第五

宋本

經背有海龍王寺印慶長中東照公爲傳通院殿  
附宋本大藏經明曆中羅灾灰燼焉今僅存此本  
與大法藏之扁額耳

○清淨心院藏

大藏經全部

糜本

文化中至誠心院僧正鳳譽鸞洲上人寄附

○武州岩槻淨國寺藏

大藏經全部

糜本

元文二年丁巳三月恢譽瑩派上人所附也

大藏一覽集十一卷

寬永九年壬申正月深譽傳察上人有記曰東照公所頒賜每卷押印印大二寸餘印文曰源家康弘忠恕朱文煥爛光采奪目蓋東照公在駿河之日製銅字活板搨出貞觀政要及此本類以恢復三教云

大般若經卷第十一

天平十三年七月十八日下村主磨

同經卷第二十

建久元年八月吉日

同經卷第四十五

永和第五己亥二月

同經卷第一百

卷首押金澤文庫印

同經卷第四百三十

弘和三年癸亥三月日

○武州比企慈光寺藏

大般若經全部

無灾殃而不消無福樂而不成者般若之金言眞空之妙典被稱諸佛之父母賢聖之師範也所以

古經題跋

下

卷

至誠奉寫大般若經一部六百卷三世大覺十方賢聖咸共證明我現當之勝願必定成就

貞觀十三年歲次辛卯三月三日己酉檀越前上野國權大目從六位下安倍朝臣小水磨

法華經全部

文永七年十一月廿日縉紳公卿及諸名緇合作也

○下總生實大巖寺藏

稱讚淨土經一卷

中將法如書

安樂集私記二卷

記主禪師真蹟書法秀麗

頌義見聞八卷

金剛寶戒章一卷

大原問答一卷

天正中所謄寫有虎角上人跋

○上州足利學校藏

大般若經全部

貞治二年四月日

物初謄語

斷際語錄

北碕全集

寂室語錄

古經題跋

下

卷

無學語錄

右活板也世曰足利本

按鎌倉大草子曰足利學校

淳和帝天長八年八月五日大內記參議小野篁  
奉

勅建焉

作承和六年非也

貞治中上杉安房守憲實再興

之今尚藏宋板四書每卷有憲實等款識

○上州新田大光院藏

大藏經全部

彙本

大藏一覽集十一卷

○武州西久保大養寺藏

注楞伽經卷第一

聖武帝宸翰

優婆塞戒經卷第六

天平寶字五年十二月七日願主僧光覺頭優婆

夷智高智戒

念佛三昧經卷第三

延曆十七年四月十三日本願主粟野寺檀越沙

彌尼延命

伊福部連福人

後繼奉仕僧定來

僧勒群

經師長谷部連益繼

大般若經卷第三十九

仁治元年庚子九月廿二日金剛佛子兼信執筆  
兼尊

唯識三十頌一卷

後伏見帝宸翰

臨終行儀一卷

圓光大師真蹟卷尾有建久元年十月成呬欵識  
及寬永三年十一月靈巖上人跋安政己未秋模  
刻

○信州淺間宮藏

大般若經六百卷

永仁二年甲午十月七日酉時書畢一筆一部之  
內施入信州淺間宮供養讀誦故也

大勸進唐僧圓空敬書

○常州鹿島神宮寺藏

大藏經全部

奉渡唐本一切經內

建長七年乙卯十一月九日於鹿島社遂供養  
常州笠間前長門守從五位上行藤原朝臣時朝

世經是跋  
○按東鑑曰有從五位下長門守兼左衛門少尉藤原朝臣持朝食邑笠間地因地爲氏仕鎌倉都差師持朝子曰長朝長朝子曰時朝時朝善倭歌嘉禎中任從五位下左衛門尉建長中任長門守文永二年二月九日卒年六十二一切經供養歌見新式倭歌集

大般若經全部

古板也卷尾往往有開板信元印未詳其傳

○野州新里村山王社藏

大般若經六百卷

應永五年戊寅二月廿一日至十年三月廿二日

卒功

佛子宗圓願主

○按宗圓粟田關白之孫兼房子也居宇都宮爲社僧號天台座主天永二年十月十八日卒年七十九

○野州宇都宮英巖寺藏

大般若經全部

貞治二年四月日

足利板也

○野州尾羽寺藏

大般若經全部

世經是跡  
大檀越保義郎趙安國一刀雕經一部六百卷

茗溪朱梓刊并書

○按經背押上野尾羽寺印我 罔祖嘗閱此藏經

○野州日光山藏

大藏經全部

宋本也寬永中黑田長政侯所納云蓋筑前宗像宮舊藏也

○奧州平泉中尊寺藏

大藏經全部

奉納金銀泥一切經一部

奉安置等身金色文殊師利尊像一軀

右經卷者金書銀字狹一行而交光紺紙玉軸金衆寶而成卷漆蓮華以安部帙琢螺鈿以鏤題目文殊像者憑三世覺母之名爲一切經藏之主廻惠眼以照見運智力以護

千部法華經千口持經者

右弟子運志多年書寫之僧侶同音一日轉讀之一口充一部舌盡千部聚蚊之響尙成雷千僧之聲定達天

五百三十口題名僧

右揚口列十軸之題名盡五千餘卷之部帙安手  
捧持開經無煩以前善根旨趣偏奉爲鎮護國家  
也所以何也弟子者東夷之遠裔也生逢聖代之  
無征戰長屬明時之多仁蠻陬夷落爲之少事  
虜陣戎庭爲之不虞當于斯時弟子苟資祖考之  
余裝謬居俘囚之上頭出羽陸奧之土俗如從風  
草肅慎把婁之海蠻類向日葵垂拱寧息三十餘  
年然間時享歲貢之勤職業無異羽毛齒革之贊  
參期無違因茲幹憐頻降遠優奉國之節天恩無  
改已過杖鄉之齡雖知運命之在天爭忘忠貞之

報國憶其報謝不如修善是以調貢職之羨餘拋  
財幣之消露占吉土而建堂塔冶真金而顯佛經  
經藏鐘樓大門大垣依高築山就窪穿池龍虎協  
宜卽是四神具足之地也蠻夷歸善豈非諸佛摩  
頂之場乎又設萬燈會供十方尊薰修定遍法界  
素意盡成悉地捧其全分奉祈禪定法皇蓬萊殿  
上日月之影鎮遲功德林中霧露之氣長齊金輪  
聖王玉宸無動

太上天皇寶箏無涯國母仙院麻姑比齡林虛桂陽  
松子伴影三公九卿武職武官五畿七道萬姓兆

民皆樂治世各誇長生爲御願寺長祈國家區區  
之城天高聽卑

綸綍依請供養遂思寶曆三年青陽三月曜宿相  
應支干皆吉延囑一千五百餘口僧讚揚八万十  
二一切經金銀和光照弟子之中誠佛經合力漆  
法皇之上壽翁子生涯久浴恩德之海後身必詣  
安養之卿乃至鐵圍沙界胎卵濕化善根所覃勝  
利無量敬白

天治三年三月廿四日翁子正六位上藤原朝臣  
清衡敬白

大藏經全部

宋本

藤原秀衡所附也東鑑曰文治五年九月十七日  
供養宋本一切經內外莊嚴數字樓閣不遑注進  
者是也

古經題跋下終

附錄

○城州紫野大德寺藏

華嚴經卷第一

大宋開寶九年丙子奉勅雕造太子興國八年奉勅印

○按稽古略曰宋太宗開寶四年勅雕佛經印一藏計一十三万板是爲大藏印造之權輿也東大寺齋然乞賜印本大藏經見佛祖統記及扶桑略紀盖此本卽其一也

○武州緣山古經堂藏

大毗婆娑論卷第廿一

○卷尾押傳法僧印一開元經印一按佛祖統紀曰太宗興國八年詔福州開元寺譯經院賜名傳法於西徧建印經院此印卽是也

○京師智積院藏

金剛經一卷

寶祐元年七月十三日張卽之奉爲顯妣楚國夫人韓氏五九娘子冥忌以天台教僧宗印所校本親書此經施僧看轉以資冥福卽之謹題時年六十八歲

明年歲在甲寅結制日以授天童長老西巖禪師法華經七卷

淳祐四年六月張卽之書比丘道殊募緣鏤板刻工畢事

寶祐三年謹題

妙法蓮華經入東土最早世人奉之甚嚴余浙以東至不敢舉其名非齋戒不誦家以鎮宅有禱求輒嚮應卿先達張樗寮卽之者南渡中秘閣學士也端雅清高以書法冠當時常栖息於翠山禪寺爲之書金剛法華二經而鐫之今翠山火金剛亦

古經是跡  
不存獨法華在汪氏所然漫漶甚矣曩樗寮寫金剛爲攄劬勞之感僕亦年運往矣情豈殊哉是用竭深心奉秘典上報生成大恩又冀一切含識總成正覺且令後世知有樗寮也遂購而補苴之廣流施焉

萬曆戊子中秋日

誥封通議大夫太子賓客吏部左侍郎兼翰林院侍讀學士慕間居士沈仁佶識時年八十有六

○按墨林快事曰四月有宋刻張卽之妙法蓮華經一袂其木今不識爲何材中雖有蛙孔字皆堅緻

如石似有物訶禁之者歷世靈顯不可一二舉余宦四明得廿餘表往歲佛屋災像經皆灰余驚痛不已火後撥燎燼乃得二三表完者周緣焦糜字幸無損豈此地天龍未習瓌寶旣取諸有餘而又

不忍盡耶乃爲裝褙成帖以存數百年之遺樗寮昔人斥爲惡札今詳其筆意亦非有心爲怪惟象其胸懷元輿俗情相違逆不知有勾圓之可喜峭挺之可駭耳目開天以來千奇万異日新不已何獨字法不得任情哉又按宋史曰張卽之字溫夫歷陽人特授直秘閣以能書聞天下金人亦寶其

翰墨

○和州奈良念佛寺藏

阿彌陀經一卷

比丘聰古特爲慈親寫此阿彌陀經一部以延福壽於三寶光中吉祥如意者

至正元年五月日謹誌

○武州射谷小山林堂藏

妙沙經一卷

大明萬曆辛丑年三月吉日當今皇帝謹發誠心書寫金字佛說妙沙經十二卷以此功德專祈天

下谷寧雨暘時若懺愆解厄永壽消災

○越州柏崎極樂寺藏

大藏經全部

糜本

十住斷結經一卷

聖武帝宸翰書法絕倫

○武州淺草正行寺藏

大般若經卷第三百六十七

建仁元年辛酉白露月下旬於奧州安達御庄相應寺執筆僧永慶

○野州宇都宮清巖寺藏

大般若經一卷

有法隆寺行信大德跋如前出

顯無邊佛土功德經一卷

欵曰奉寫千卷僧正良辨安政己未墓刻

○武州緣山古經堂藏

普門品經一卷

大明萬曆甲辰年十二月吉日皇貴妃鄭謹發誠  
心沐手親書觀世音菩薩普門品經一卷恭祝今  
上聖主祈願万万壽洪福永享康泰安裕吉祥  
消災吉祥陀羅尼經一卷

大明福王謹發願誠心印造佛說熾盛光如來消  
災陀羅尼經一藏計五千四十八卷以此功德竭  
力祈祝皇父聖壽增延聖體萬安洪福天齋國祚  
永久皇母皇貴妃孀孀懿躬康健福壽延長凡向  
府第清寧一切時中消災吉祥如意

○宋五臺山大華嚴寺返牒

大宋國河東道代州五臺山大華嚴寺真容菩薩院  
文殊聖容殿當殿今月廿八日有  
大日本國延曆寺阿闍梨大雲寺主傳燈大法師位  
大宋國賜紫僧成尋齋到

大日本國

皇太后宮降來

先帝御書經卷

妙法蓮華經一部八卷 無量義經一卷

觀普賢經一卷 阿彌陀經一卷

般若心經一卷

右前件經依教領得於 文殊師利菩薩真容面前  
如法安置永充供養取集福利廻向

大日本國

先皇帝伏願覺心超悟通明佛性之源寶界安居速

紹法王之位

皇太后伏願長芳凝德贊 寶曆於千齡永著 坤

儀茂 瑤圖於億世然後普願國清 君壽俗富民

康 台衡贊堯舜之風藩屏曜唐虞之化法輪永茂

鳳曆延鴻慶禱 文殊冀垂照鑒謹祝大宋國御寧

五年十一月日五臺山真容院知菩薩殿講經律論

沙門省岳等迴向

五臺山真容院知大經藏沙門 溫 著

同院表白兼講主沙門 溫 琦

同院知錢帛庫講經律論賜紫沙門 省古溫道

古經是疏  
同院知客講經律論臨檀闍梨沙門

省認溫淮

同院知御書寶庫大閣講經律論沙門

溫明省諸

同院知大師大閣賜紫沙門

省廣

同院知前殿講經律論賜紫沙門

順潛

同院堂維那講經律論承侍

省斯

同院尉典座講經律論賜紫沙門

省挑

同院都維那講經律論臨壇賜紫沙門

省順

五臺山前十寺副僧正兼真容院供養主同勾當僧

正司公事講經律論臨壇首座妙齊大師賜紫沙門

延

五臺山十寺副僧正兼真容院供養主同勾當僧正  
司公事經律論傳大乘戒覺惠大師賜紫沙門豕籜  
五臺山十寺僧正兼真容院主勾當僧正司公事講  
經律論傳大乘戒覺證大師賜紫沙門順行

○武州池上本門寺藏

法華經八卷一軸

日蓮上人真蹟細楷精正

註法華經四卷

同上

法華經卷第四

傳教大師真蹟

同八卷

紺紙金字書法絕妙傳云菅公真蹟

大藏經全部

糜本

法華經八卷

紺紙銀字跋云古云人身難得佛法難聞弟子朴  
瑱妻趙氏等得預人倫又聞大法慶幸何極然但  
聞其旨亦是障感使然今若不更結好因將來難  
辨勝果是以夫婦並發大願而未果初心但曉夕  
思忖而已佛天幸助使集檀財罄我所貯謹備藍

紙金泥銀邀請善書八介自從己丑歲四月十七  
日爲始下手至今五月二十五日四旬之間周本  
八十卷法華八卷倩寫畢功莊嚴悉備以此良因  
普皆祝願皇圖益因國主益遐齡次祈助楊施主  
尚書安社忠僧紘元尚書秦孝連侍郎孫休靈魂  
等頓脫莊嚴覺果現在大師一休宰臣李忠敏丞  
郭連玉丞朴良守執若多若少凡有緣者各增福  
壽兼及化主惠瑚已正因執勞運力若僧若俗次  
我夫妻二人等生生處處不退菩提之心作大佛  
事與諸施主同入毗盧圓滿果海泊及法界迷倫

盡獲金剛種智者

至正九年五月日誌

功德主

檢校軍器監朴  
妻推火郡夫人趙氏

古經題跋附錄終

